



UNIVERSITÄTS-  
BIBLIOTHEK  
PADERBORN

**Adnotationes || Et Meditationes || In Evangelia Qvae || In  
Sacrosancto Mis-||sae Sacrificio || Toto Anno || Legvntvr;||**

**Nadal, Gerónimo**

**Antuerpiæ, M. D. XCV.**

Quietem agunt discipuli iubente Christo, postea nauigant trans mare.

---

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

## MEDITATIO.

**Q**uid fuimus fratres in saeculo? Quoties fuimus deprehensi & accusati apud Deū à Dæmonibus, vt nos morti æternæ traderet commertis? Sed sua benignitate repulit bonus IESVS veteratores Diabolos, exprobrans illis suam superbiam & peccata, ac suam obstinationem. Concessit nobis spatium poenitendi, dedit cor contritum & humiliatum coram se, condonauit peccata, recepit nos in suam gratiam. Quid igitur nobis non est sperandum? Si enim cū in peccato essemus, cū inimici essemus diuinitatis, atrociter etiam accusaremur à tetrīs Dæmonibus, peccata nobis remisit Christus, & recepit in gratiam suam; quid non est facturus pro amicis, pro obedientibus? Sed verò quid in nos contrā non est designaturus, si in officio non mā-

Rom. 5.

serimus, & obedientia Dei & nostrorum superiorum? Quid enim existimatis illum dicere, quum dicit, Vade, & iam amplius noli peccare? Adhortatio quidē est hæc ad virtutem, & oblatio gratiæ & auxiliij, sed simul comminatio terribilis. Caue, immeritò quidē nunc tibi remisi peccata, sed nescis quid, rursum si pecces, sim facturus. Per meam infinitam misericordiam dimisi tibi peccata tua, verū intelligis tam esse infinitam meam iustitiam quā misericordiā, qua vti similiter possem si vellem, & te in Infernum contrudere in perpetuum cruciandum. Quod si facerem, de tua perditione gauderent omnes Sancti & Angeli. Hæc consideratio vigeat semper in mente tua, quæ est verissima. Amen.



## DOMINICA QVARTA

## QVADRAGESIMÆ.

Quietem agunt discipuli iubente Christo, postea nauigant trans mare.

MATTH. XIII. MAR. VI. LVC. IX. IOAN. VI. ANNO XXXII.

In liij. imaginem adnotati iuncula.

liij.  
41.

- |  |  |
|--|--|
| A. Dimittens turbas IESVS, ostendit quò esset trans mare venturus.   | D. Turba, que ad angustias Iordanis properant vt transmittant. |
| B. Desertum, inter Capharnaum & Bethsaidam occidentalem, vbi precipit discipulis vt paulisper requiescant. | E. Conscendit nauim cum discipulis IESVS.                      |
| C. Oium agunt discipuli presente Christo.  | F. Nauigat placidè quò turba prauenerat, vt Christus voluerat. |

PRIMA

MATTH. XIII. MAR. VI. IOAN. VI. LVC. IX.

Et accedentes discipuli  
eius tulerunt corpus,  
& sepelierunt illud: &  
venientes nunciaue-  
runt IESV.  
Quod cum audisset  
IESVS,

Et convenientes Apo-  
stoli ad IESVM, renū-  
ciauerunt ei omnia quæ  
egerant & docuerant.  
Et ait illis;  
a Venite seorsum in  
desertum locum, & c  
requiescite pusillum.  
Erant enim qui venie-  
bant & redibant mul-  
ti, & nec spacium man-  
ducandi habebant.

secessit inde in nauis  
culis

Et ascendentes in  
naui abierunt

POST hæc  
abijt IESVS  
trans mare Gali-  
laæ, quod est Ty-  
beriadis.

Et assumptis illis  
secessit

seorsum in locum de-  
sertum, qui est Beth-  
saida.

Et viderunt eos abeu-  
tes, & cognouerunt  
multi,

Et cum audissent turbae,  
sequuntur eum pe-  
destres

a & pedestres

Et sequebatur eum  
multitudo magna,

Quod cum cognouis-  
sent turbae,  
secutæ sunt illum,

de ciuitatibus.

de omnibus ciuitatibus  
concurrerunt illuc,  
& prauenerunt eos.

quia videbāt signa  
quæ faciebat super  
his qui infirmabā-  
tur.

P

ADNO-

**A**IESVS dimittit turbas, & condicitur illis locus quod esset ipse trans mare venturus: nam hoc legimus cognouisse turbas, & audiuisse.

**B.** Desertum, quod est inter Bethsaida & Capharnaum, quod primum secessit IESVS cum Apostolis; unde dein nauigauit in aliud desertum Bethsaidae Orientalis, quam fecerat Iulius Philippus, ut in xlix. annotatione dictum est: de utroque enim nihil prohibet intelligere Lucam. Nam cum redisset Apostoli à sua missione

*Mar. 6.* cuiissent, dixit illis IESVS; Venite seorsum vos in desertum locum, & requiescite pusillum.

Vocat eos qui in ministerio verbi laborauerant, non alios: separat à turba, ducit in solum locum, ne quid sit quod impedire possit mentis & corporis requiem. Dat ipse Apostolis quietem, nunquã ipse otiosus est, sed semper fuit homo dolorum, sciens infirmitatẽ, & suam, & nostrã omnẽ, quã semper portauit, in qua continenter laborabat.

*Isa. 53.* **C.** IESVS sedet in deserto, Apostoli otium agunt, ut vires & mentis, & corporis, reficiant; colloquuntur, alij sedent, alij iacent, & tamen presentem habent Christum, & quidem illos obseruantem, sed simul indulgentem, & distimulantem si quid liberius agerẽt. Verum pusillum, ad est breue tempus permittit otia. Hæc autẽ

in eorum genere sunt, quã cum non acceperimus ex scripturis, pie tamen meditari possumus & credere. Quid enim egerint tunc Apostoli nominatim non legimus, legimus in vniuersum quicuisse, auctore Christo & imitate, quod semper facit in nobis. Neque enim solum Apostolos inuitauit ad requiem corporis & animi, sed in eorum persona eos omnes qui in ministerio verbi occupantur, quã est actio laboriosa in primis; debilitare enim solet, & corporis vires, & animi: illa ad suum robur sunt moderato exercitio & honesto reuocanda; hæc à Martha distractionibus, ad Mariam vitam illam, & optimam partem, quam necessariam esse Christus dixit, colligenda. Fuit alioqui necessum, ut à turba sese explicarent, quã ad eum importunẽ ad eos concurreret, ut ne manducandi quidem spatium haberent.

**D.** Turba, quã ex vicinis omnibus ciuitatibus properant pedestres ad angustias Iordanis, ut ad desertum Bethsaidae orientalis iuxta Corozaim veniant trans Iordanem.

**E.** Dum quiescent Apostoli, nauim conscendit Christus, sequuntur ipsi, ut nauigent quò iam processerant turba.

**F.** Nauigat Christus cum Apostolis placidẽ & sensim: volebat enim turbas peruenire priores.

EADEM